



**Rabu, 06 Oktober 2021**  
**Ogen : Esekiel 16: 59-63**



**Perpadanen si Ipelimbarui**



**W** Tapi Kuinget kap perpadanen si Kubahan ras kam tupung kam nguda denga..... (ay. 60)" kalimat enda erbanca kita terharu ngogesa. I bas perdalinen kegeluhen Bangsa Israel erkiniteken nandangi Dibata tentu melala lika-likuna. Sesekalin terdat nge bangsa e la setia nandangi Tuhan, bangsa e enggo mpedua-dua Tuhan. Bali ras ndehara si la setia. Tapi, amin bage gia, nulih kap Dibata e tangtangna jumpa ras bangsa e ngena kal nge atena. Bage cara Dibata ngulihkan ngena atena nandangi Israel e. Sabap adi kesalahen, kekurangan, kinilpatuhen bangsa e lalap ingetNa, la banci lang gara nge lalap pusuh Dibata e. Dingen rawaNa nge lalap atena isehkenNa. Ukumen ras kutuken si lanai kal langlang mesangatna.

Tapi, tuhu-tuhu jadi usihen kal si ilakoken Dibatanta enda kempak Bangsa Israel. Mpelimbarui perpadanen guna mulihi erngena ate. Secara psikologis baik man banta bagepe man kalak si deban, madin ngalemi asangken erelem-elem. Ngalemi maba kedamen dengen keriahen i bas pusuh, tapi elem-elem erbanca pusuh mesui dengen ulihna kesirangen. Banci jadi lit kekesalenta nandangi Mamrenta ya Moria, si mungkin lanai teralemi kita. Mungkin enggo si rawai, enggo teridah kinilapatuhenta bana, enggo si sepeleken ia. Tapi, i bas wari si sendah enda, bagi keromantisen si ibahan Dibata man Bangsa Israel patut si usih. Mamre e temanta kap, ia nge si cocokna akap Dibata man banta, uga pe ia lit na. Wajar lit rubat emaka dame ka. Si inget min mulihi uga mbarena kita singenan ras ia. Uga riahna mbarenda asum tangtangna kita jumpa dengen ipersadaken Dibata. Emaka amin gia enggo melala kal kesalahen dengen kekurangan dirina, labo patut e si pebelin pusuh ta pe labo dame. Mari si pelimbarui ka huungenta ras, si buat sada suasana si meriah guna dalam ercakup-cakup emaka tole meriah i bas jabunta.